

秘密灌頂常相應

菩提金剛常歸命

若觀此法為最上

彼彼三種成就義

行人決定當圓滿

菩提金剛常歸命

若作金剛成就法

當離一切劣成就

尊重諸佛生淨信

菩提金剛常歸命

今此秘密集會教

若得聞者尚希有

沉復讀誦若思惟

尊重供養及書寫

此獲功德無有窮

菩提金剛常歸命

息災等法諸儀軌

大明印契及行相

如理所作皆成就

菩提金剛常歸命

今此最上秘密法

若有見聞隨喜者

能生一念淨信心

所獲功德無邊際

況復行人依此法

修習秘密行相應

此功德聚廣已宣

菩提金剛常歸命

今時一切如來聞諸菩薩作是稱讚

已咸各隨喜讚言善哉善哉諸菩薩

衆善說此語於諸法中而為主宰最

尊最上從諸如來秘密集會秘密出

生作是言已所有一切如來及諸菩

薩摩訶薩衆咸各安住堅固三業悉

入金剛身語心性平等法中默然而

住今時身金剛如來即復安住身平

等法已於一切如來身平等中默然

秘密大教王經第七 第三十張法

而住又復語金剛如來亦即安住三

界所有一切語行已於彼一切如來

語平等中默然而住

又復心金剛如來亦即安住三界所

有一切心法已於彼一切如來心平

等中默然而住

佛說此經已一切大衆聞佛所說咸

各歡喜信受奉行

佛說一切如來金剛三業最上秘密大教王經卷第七

甲辰歲高麗國大藏都監奉

勅雕造

大宋新譯三藏聖教序

法

太宗神功聖德文武皇帝製

大矣哉我佛之教也化導群迷闡揚

宗性廣博宏辯英彥莫能究其旨精

微妙說庸愚豈可度其源義理幽玄

真空莫測包括萬象譬喻無垠綜法

網之紀綱演無際之正教拔四生於

苦海譯三藏之秘言天地變化乎陰

陽日月盈虧乎寒暑大則說諸善惡

細則比於恒沙含識萬端弗可盡述

若窺像法如影隨形離六情以長存

歷千劫而可久須彌納藏於芥子如

來坦蕩於無邊達磨西來法傳東土

宣揚妙理順從指歸彼岸菩提愛河

生滅用行於五濁惡趣拯溺於三業

途中經垂世以難窮道無私而永泰

靈山貝葉若銀臺之耀目歲月煙蘿

起香界之自遠巍巍罕測者名難名

所以道資十聖德被三賢至道超於

乾元衆妙生乎太易摠繁形類竅鑿

皆明絕彼是非開茲蒙昧有西域法

師天息災等常持四忍早悟三乘翻

貝葉之真詮續入天之聖教芳猷重
啓運偶昌時潤五聲於文章暢四始
於風律堂堂容止穆穆輝華曠劫而
昏墊重明玄門昭顯軌範而彌光妙
法淨界騰音利益有情俱登覺岸
成障礙救諸疲羸冥昧慈悲浩汗物
表柔伏食報啓發昏愚漢小乘聲聞
今其微論大乘正覺立其性含靈悟
而蒙福藏教鼓而重興幻化迷途火
宅深喻雖設其教不知者多善念生
而無量潛臻惡業興而隨緣皆遭調
御四衆積行十方對花雨於金輪護
恆沙於王闍有頂之風不可壞無際
之水曲能漂澄寂湛然明清淨之
智慧性空無染妄想解脫之因緣可
以離煩惱於心田可以得清涼於宇
宙朕勅非博學釋典微闡豈堪序文
以示來者如摩登燭火不足以之於
皎日將微蠹量海未能窮盡於深
淵者哉

繼作聖教序

御製

高明聖分三辰方乃序其次厚載初

定萬品於以發乎端清濁之體既彰
善惡之源是顯然後以文物立其教
以正典化其俗利益之功同歸於理
於是乎像法來於西國真諦流於中
夏洞貫千古真貴之理無以窮囊括
九圍玄妙之門莫能充言乎妄想則
五蘊皆空現乃具容則一毫圓滿實
大之教豈能紀述者哉伏觀
太宗神功聖德文武皇帝法性周圓
仁慈普布化壑茹則萬邦輻輳蒸
民於仁壽之鄉崇教法則四海雲從
惠蒼生於富庶之域見尊經之浩汗
設方便以救沉淪知法界之恢宏行
精進而攝憫急乃擇其選字校彼真
文命天竺之高僧譯貝多之佛語象
管翻成於金字珠編復置於東函龍
宮之聖藻惟新就嶺之茲朝仰歎由
是三乘共貫四諦同圓盡苦空具正
之言顯秘密精研之義讚相相乎實
相論空空乎盡空華嚴之理合軌軌
金像之教同規矩朕續嗣
丕堪恭臨寶圖常翼翼而撫地民每
兢兢而守

先訓以至釋典尤未精詳諒其幽深
曷能探測有譯經西域僧法賢奏章
懇切致意專勤以
先皇帝大闡真風高傳佛旨興前王
之聖典振覺路之頽經欲旌天造之
功庸用廣
聖文之述作請予制教序繼聖教焉自
聖考上僊追殤同息政事之外何暇
經心今已禪除思臻微奧雖幼承慈
誨奈夙乏通才焉窮乎法海之津涯
莫造乎空門之闡域略教大意以徇
輿情蹄岑不足擬浴日之波尺蕞豈
能量昊天之星聊述短序以紀
聖功者焉
佛說最勝妙吉祥根本智最上秘密
一切名義三摩地分卷上
今時大吉祥最勝金剛手 具一切功德
能調難調者三界中最勝最尊大無畏
諸秘密部中自在為主宰正智蓮華目
眉相復如蓮於佛世尊前戲擲金剛杵
復於須臾間出現無邊數金剛杵圍繞
當戲擲杵時即有俱胝衆金剛光照曜

而現顯眉相勇猛大無畏威德復殊勝

此等功德皆由修持淨戒而來

法華經

調伏於一切具悲智方便自利利世間

身心大歡喜得最上妙樂復現忿怒相

佛世尊所作一切皆攝受普獲於利樂

是時金剛手頂禮正覺尊釋迦牟尼佛

合掌而自言一切衆生類愚沒生死泥

起煩惱疑惑無由能解脫願哀愍利樂

我及諸衆生今如理所得了知幻化網

佛爲世間師願宣說正法利樂諸衆生

今得無上果諸佛大三昧最上具實智

能了別衆生諸根欲性等世尊正智衆

現爲顯勝沙妙德真寶智最上自然智

了達甚深義一切廣大義無等寂靜義

最上最勝義瑜伽大教中諸秘密名義

聖三摩地分初中後皆善過去佛已說

未來佛當說現在今世尊三世盡宣說

今此幻化網我從是出生喜執大金剛

善持一切明如我所得法愛樂而受持

最勝堅固意住佛秘密心如衆生意樂

願說最勝法滅煩惱無餘令得最勝智

如是秘密主金剛手菩薩作合掌恭敬

勸請而前往

尔時二足尊釋迦牟尼佛從舌及面門

出廣大光明普照於十方清淨諸惡趣

此光明能照破一切煩惱

法華經

三界光所照四魔悉調伏復出美梵音

徧聞於三界稱讚秘密主大力智金剛

時佛作是言善哉執金剛吉祥最勝者

勇猛金剛手汝大悲方便廣爲利世間

是故勸請我說秘密法門此秘密名義

妙德根本智最勝大吉祥能伏諸魔等

我今當善說汝大秘密主住最上一心

諦聽佛所說

時釋迦牟尼即說如是法盡諸真言部

持明大呪部觀照三密部世間最上部

世出世間部最上大印部爲顯勝沙部

如是等諸部悉攝一切法足秘密名義

六種大明王無二說其二足無生法句

從彼而出生所謂

阿阿引壹翳喝汚伊交烏更暗惡

此法安住諸智心三世諸佛所共說

復次大明日

唵引嚩囉囉二合伍引剎拏二合攝珂砌

引那一句鉢囉囉二合倪也二合倪也二合那

謨引哩多二合或二引倪也二合那迦引野嚩

引詣引說囉三阿囉跋左那引野帝引

那莫

阿字爲正智諸佛從是生復爲諸勝相

此阿字能生一切智慧

法華經

是最上字義大生無生義離飲食語言

捨最上愛樂諸語業清淨最上增勝會

諸衆生淨行最上增勝眼諸煩惱大惡

最上增勝疑愚迷爲智障最上增勝忿

大忿怒大惡最上增勝涕爲諸障所纏

如是貪瞋等皆最上增勝秘密妙法門

通達能遠離執大智慧劍破諸煩惱頂

現大色大身大相及大力大名大威德

大廣博圓滿大欲大自在大喜及大樂

大變大名稱大光大明照具一切廣大

出生大智慧了知大幻化成就大幻義

得大幻妙樂識根本幻網大財大施主

淨戒最上持大忍辱大智發起大精進

大禪定等持大覺堅固聚大方便大願

大力大智海大慈平等法大悲心增上

大慧慈通達大方便廣作大神通變化

善度諸有苦大金剛執持大慈極忿怒

作大怖皆畏大明破諸暗大呪最上尊

大乘救濟度大乘最上教法身大徧照

大寂大牟尼大明呪希有大明呪自在

得十波羅蜜依十波羅蜜淨十波羅蜜

佛說最勝妙吉祥根本智最上秘密一切名義三摩地分

十波羅蜜教十地自在等十地善安住
十智清淨我十智淨堅固十相十種義
十力寂諸根最勝真義十相最寂靜
遠離諸戲論我及具如淨如語真實語
如理行無異無二說二語皆住真實際
無我師子吼怖彼諸執相一切處解脫
如來速疾意降伏諸勝惡如轉輪大力
衆法中最上主宰及敬愛大威德大智
諸教無能勝諸語中自在無邊正語業
真實語及義宣說四聖諦隨順覺聞衆
不退阿那含及彼阿羅漢漏盡諸慈翳
尊上頓利根勇猛諸緣覺雖種種出生
同一真實相皆以智慧劍斷煩惱無餘
得安樂無畏善住真實得明行具足
善逝世間解無我相可生安住二諦法
出度輪迴際所作皆已辨純一智所生
慧力大猛利正法光明聚照世出世間
法王法自在宣說最勝道分別成就義
離諸分別相彼分別界盡顯最上法界
福語福所生大智智所作常起正智想
二法從是生畢竟離衆相相應定自在
不動大主宰三身勝根本五身正智主
五智大自在五佛行妙嚴五眼淨無著

佛說最勝妙吉祥根本智最上秘密一切名義三摩地分

諸佛最勝尊出生諸佛子慧最上出生
正法中所作金剛一實理世主最上生
虛空自然智大智大慧眼大光明遍照
大智光大日智光照世燈大光明熾盛
最上呪明王大呪王所作大頂真實頂
自在現衆相諸佛無我性普照無邊界
於中現衆色供養大仙尊持三部明呪
大三昧呪法持最勝三寶說最上三乘
最勝不空索金剛索大攝金剛鉤大索
大金剛能怖
金剛阿闍佛即大圓鏡智從是智所生
一切方便門現大忿怒相其相有六面
六眼及六臂圓滿復大力利牙而外出
大惡極可怖復現大笑相百眼所莊嚴
現鳩鴉得迦怖畏金剛相最上心金剛
廣大幻金剛最勝金剛部無窮金剛場
不動一語尊象皮爲裝飾訶訶聲大惡
四咽聲大怖阿叱聲大笑金剛喜大聲
金剛士大上金剛王大樂金剛相大喜
咩字金剛智持金剛智箭執金剛利劍
現金剛巧業金剛破他軍金剛火惡視
金剛熾盛頂金剛大入福百眼金剛照
金剛諸摩一摩所攝俱那那珂數

佛說最勝妙吉祥根本智最上秘密一切名義三摩地分

住金剛安樂聖金剛持身金剛寶莊嚴
訶訶大聲百字金剛聲妙音聲大乳
普振於三界虛空界無邊音聲亦無礙
真如無我相實際無黑礙空性離語言
說廣大甚深出大法螺聲擊大法健稚
佛威力無勝十方鳴法鼓無色中現色
種種色殊妙衆色吉祥光現無餘影像
最勝大自在三界大主宰顯示諸聖道
建廣大法幢於彼三界中出現童子身
或現耆年相尊長大世主佛三十二相
圓滿而具足普徧三界中瞻仰生歡喜
世間智功德世間行無畏三界中最上
爲主爲依怙虛空藏出生一切智智海
無所藏所集三有諸結縛滅煩惱無餘
出度輪迴岸戴智冠滿頂正等覺莊嚴
三苦等滅除三世得解脫遠離一切障
等虛空清淨過去煩惱垢三世悉同空
諸衆生大龍現功德山頂一切得解脫
如妙寶蓮華彼大如意寶衆寶中寶上
堅牢大劫樹最上大賢瓶利一切衆生
皆方便所作淨智淨分智三昧智最上
了別衆生根具三種解脫功德智法智
廣大利吉祥吉中大吉祥獲名稱廣愛

具聖財大富大喜復大樂善義而善作
喜稱大吉祥最勝大誓願作最上救護
諸有大怖畏急令滅無餘妙頂功德頂
最勝寂默頂五眼五慧尊五明囉頂
諸有大苦行執自見解脫以自所修行
謂最上梵行自謂得大仙已得究竟法
謂沐身外道一切見等執從梵天所生
滅亦生梵天得離繫解脫無礙寂靜法
證寂靜涅槃得最上圓寂了苦樂邊際
貪等法滅盡無勝無比貪無相亦無著
謂所得涅槃出過一切道如是等邪執
皆不正解脫彼不能了知無漏種微細
清淨離塵染遠離諸過失唯正智所覺
一切智通達彼一切識法無二智可觀
離疑惑分別三世佛同體無初亦無後
一智眼所觀如來智頂生同體而無垢
語自在大語勝語最上語無勝師子吼
無上無比等普現身大喜或現火鳥相
或吉祥妙光大光明熾盛一切勝自在
離染法最上如無勝妙藥治諸煩惱怨
三界大吉祥衆星曼拏羅建立大法幢
表刹十方界廣大寶蓋徧覆於世間
慈悲二種法作大曼拏羅大吉祥蓮華

自在高嚴飾最上寶蓋等周匝而莊嚴
諸佛大主宰諸佛心自性諸佛大相應
諸佛同一教金剛寶薩頂衆寶自在主
諸觀自在王諸執金剛尊諸佛廣大心
諸佛最上意諸佛廣博身諸佛真實語
金剛日大明金剛淨根本衆色熾盛光
照貪等自性正覺跏趺坐說妙法心義
一切智智藏正覺蓮華生衆幻化中主
持明大覺尊大金剛利劍斷一切苦惱
最上清淨字金剛大法器金剛甚深義
金剛慧所了具諸波羅蜜爲大地莊嚴
法無我清淨正智根本心幻化網大教
一切教中主最勝金剛生最勝大智衆
大普賢妙意地藏世間主諸佛大法藏
現衆變化輪諸性勝自性諸性自性心
無生法衆義即諸法自性大慈剎耶間
證悟一切法現諸法三昧真實大寂默
現證一切佛正等正覺尊發大智光明
照無我自性

佛說最勝妙吉祥根本智最上秘密一
切名義三摩地分卷上

甲辰歲高麗國大藏都監奉
勅彫造

佛說最勝妙吉祥根本智最上秘密一
切名義三摩地分卷下

法

此勝成就法能最上變化出現種種身
清淨諸惡趣與一切衆生爲主爲所依
一切衆生界普令得度脫入煩惱戰陣
爲勇猛堅固諸無智大惡破滅無有餘
勇猛心無退威勝大吉祥現無畏色相
一切皆敬伏或現威勢身百臂期龍相
或復作下足按地現舞相或現吉祥臂
住空而自在或一足按地成大曼拏羅
或舒足一指出過梵天界當了諸變化
皆一法無二諸法中自在最勝第一我
種種表名等皆神力所作一切心識法
從方便出生過去諸有染成三有差別
彼最上空性眞實無所動如秋月初現
雲暗皆清淨法界曼拏羅衆寶不能染
最上摩尼寶現帝青大青爲最勝吉祥
佛化所莊嚴現神足大步三界普振動
所有三摩地正念持自性彼四念處等
如寶而分別開敷七覺華香聞於一切
宣說八正道圓滿諸智果如來功德海

論諸佛功德及一切名義三摩地分

出生一切法普令諸有情成正等覺道

一切眾生類無著如虛空 眾生意所生
眾生速疾意 眾生根欲性 彼一切差別
了五蘊實義 見五蘊清淨 一切化所作
一切所化事 一切化所說 皆住真實際
彼十二有支 十二相清淨 四聖諦教相
八智所覺了 十二相實義 十六相具實
二十正覺相 覺了一切法 此等諸法相
皆佛所化說 出現諸化身 令一切觀察
於一剎那間 現一切三昧 於一剎那間
了一切心法 宣諸乘方便 普利諸世間
雖顯說三乘 住一乘聖果 煩惱界清淨
即諸業界盡 度煩惱海已 住諸法相應
煩惱隨煩惱 斷滅無有餘 起悲智方便
自利利世間 若一切想斷 諸識法即滅
息眾生意境 出過眾生意 眾生意安住
諸心法平等 眾生意喜生 眾生意大樂
成就最勝雲 能離諸雲暗 三世大覺尊
為大功德聚 五蘊三時義 剎那盡觀察
剎那能證悟 一切佛自性 無著最上身
是即身實相 出現諸色像 大摩尼寶體
諸佛正覺尊 無上大菩提 說三部大呪
離文字分別 諸明呪勝義 無文字等相

五文字大空 百字相亦空 一切相非相

及十六相等 無相無所動 住四禪定心
一切定分通 三摩地所攝 三摩地勝身
一切身自在 化身最上身 諸佛所變化
十方皆自化 如理度世間 所有諸天主
天輔并天眾 及阿摩羅天 乃至阿修羅
如是等諸天 佛神通變化 二皆調伏
住諸佛三昧 十方世界中 一最勝導師
為大法施主 廣度諸有海 以慈悲二法
為堅固鎧甲 執智慧劍等 破煩惱大敵
所有四種魔 及諸魔眷屬 壞善法難調
正覺悉調伏 天魔歸佛已 悉捨我慢心
作恭敬供養 如來最勝師 佛於三界中
運神足大步 開示三乘法 六通六念等
菩薩摩訶薩 過去世威力 究竟波羅蜜
了具實勝慧 一切我自在 勝補特伽羅
喻所不能喻 智所不能知 最上法施主
宣說四印義 為利益世間 出生三乘法
第一義清淨 三世勝妙主 諸所作吉祥
妙德勝根本

歸命金剛大施願 歸命真如實際理
歸命空性勝妙藏 歸命無上佛菩提
歸命佛所受樂法 頂禮歸命佛智身

歸命諸佛大喜王 頂禮歸命佛大悅

歸命諸佛正念法 頂禮歸命佛大慈
歸命佛所說正語 頂禮歸命佛自性
歸命不從諸有生 歸命正智所出生
歸命虛空自性生 歸命出生一切智
歸命最上幻化網 歸命諸佛大嬉戲
一切有情所稱讚 是故歸命正智聚
復次金剛手菩薩大執金剛者如我
所說秘密名義是即一切如來智頂
一切如來智身妙吉祥根本正智所
生諸佛最勝不共功德清淨圓滿最
上稱讚大喜樂法廣大神通威德勝
義身口意業秘密清淨諸波羅蜜諸
地功德清淨圓滿無所減失福智所
生彼一切法圓滿清淨此名最上無
比勝義由此法故未得果者悉皆令
得是為一切如來無上法取惣持勝
義如實了知如理宣說

金剛手汝今當知此秘密名義一切
諸佛威力所持是為最上大幻化義
諸呪法中大無能勝最上自法圓滿
清淨乃至一切智智身口意秘密真
實能證一切如來正等正覺現前三

昧善入一切如來無上法界一切魔
力無能勝者成就如來十力功德出
過菩薩所有十力成就一切智智出
過諸智一切法所歸普集諸佛教無
垢清淨福智所生廣大圓滿諸大菩
薩以為眷屬增長熾盛雖處一切聲
聞緣覺人天剎中隨順彼法而常安
住最上大乘出生菩薩無邊勝行畢
竟通達諸聖道法自得解脫已復能
出生變化一切道行不斷佛種具大智
慧住菩薩旋攝受一切最勝語業破
壞一切諸外道教作勇健軍降伏四
魔得無能勝又能普攝一切眾生開
示聖道出生一切法常住三摩地行
四梵行而於禪那心住一境成就瑜
伽身語意業已得斷盡一切煩惱及
隨煩惱即能離繫一切結縛大智所
解脫寂靜一切心止息一切障斷滅
一切見遠離一切相能開一切不善
趣門於實諦道皆悉解脫摧生死輪
轉大法輪立大法幢安住如來廣大
法教隨順機宜宣說諸法速疾成就
祕密行門觀察一切菩薩自性圓滿

智慧波羅蜜門覺了一切菩薩空性
證悟一切無二解脫出生一切波羅蜜
法通達一切波羅蜜法圓滿清淨一切
地位此祕密名義想攝聲聞四聖諦
法及彼四念處乃至八聖道法如是諸
法差別而以一心覺了無二是名圓
滿諸佛功德
復次金剛手菩薩大執金剛者此祕
密名義是一切眾生最勝身語意
業成就行門息除眾生一切罪法清
淨一切惡趣斷除一切業障永不受
生八難報處息除八種大怖畏事破
壞一切惡夢不祥不起一切不善境
想破壞一切極惡境界遠離一切魔
業一切非理作意不復暫起斷除一
切我執見等不生一切憂苦煩惱增
長一切福智善根安住一切如來心
真實一切菩薩祕密真實一切聲聞
緣覺祕密真實一切即相明呪真實
隨順一切如理語業正念正知此法又
能於現世中增長智慧無諸疾病色
力具足富樂自在吉祥清淨增長善
法得大名稱歌詠讚歎人所愛樂此

祕密法有大利益息除一切疾病大
怖一切邪妄使令真實一切不善相
皆令善相一切不勝悉使殊勝一切
不祥而令吉祥諸無主者為作主宰
諸無依者而為依止諸無救者為作
救護無歸向者為作所歸處暗瞶者
為作燈明無所趣者為彼開示真實
正道沉沒生死海者為作航筏真實
濟渡為大醫王療治眾病以真實慧
了性無性世智真實照破一切癡暗
盲瞶作大如意寶王隨諸眾生有所
求願皆得圓滿又此祕密法是為真
實一切智智妙吉祥智身所得圓滿
清淨出現智身真實五眼所得六波
羅蜜真實圓滿最上法施無虛妄怖
得十地法安住真實福智所生三摩
地分圓滿具足安住一法離二法相
真如實際離諸有色無別法性善住
禪那真如實際色相清淨離諸妄相
如來自性正智出生諸相大空色性
無著於何有見諸相離見即得諸法
是即真實祕密名義謂從無二法性
出生勝義能持說者皆亦如是

復次金剛手菩薩大執金剛者此妙吉祥根本智一切如來智身智頂純一無二最上最勝秘密名義三摩地分是大摩尼寶莊嚴一切教中無能勝法若有諸修真言行者於此秘密真言行門樂修習者當須選擇吉祥勝地隨力隨時作曼拏羅安布毗盧遮那如來像像隨分供養最上一心諦實觀想所安聖像專注繫念離諸散亂然後以正語業日三時受持誦誦記念思惟秘密明咒當持誦時心語相應文句圓正無令雜亂起信解心真實作意於此秘密真言行門如是修習得精熟已即得一切所欲如意了知諸法最上勝義證無礙慧無二分別信心具足悉能了知彼三世事復得一切諸佛菩薩來現其前開示出生一切法門而能照達我法自性如是瑜伽行人既成就已即能作諸變化現執金剛大忿怒王能調一切難調伏者救度世間作大利益現衆色身有大光明復能成就一切明咒印相三時曼拏羅法而作最

勝大呪明王所有一切極惡類邪夜迦乃至魔及魔族於晝夜中而常衛護於一切處不現其身而常隨遠不令諸惡伺得其便復得一切諸佛菩薩加哀建立一切身語意業常住正法諸佛菩薩共所攝受獲一切法無畏辯才通達聲聞緣覺所有諸法而能觀照無我自性所有梵王帝釋摩捺囉天那羅延天童子天自在天迦哩底迦天大黑天難林計說囉天大天水天風天訶利帝等乃至十方設世如是等一切天衆於晝夜中亦常衛護令彼瑜伽行者行住坐卧常得安隱常住三摩地多離諸散亂若獨止一處若入多人衆中乃至或入王城聚落村邑巷陌空舍山林江河等處若住若起於一切時一切所作彼諸天等而常密護又復晝夜若止自舍或居他處復有天龍夜叉乾闥婆阿修羅迦樓羅緊那羅摩睺羅伽人非人等及諸宿曜并諸鬼衆所謂聖曜母衆七母衆乃至藥剎尼衆囉刹西衆必含啣衆如是等衆咸各與

諸眷屬常來衛護今其修習瑜伽行者得最勝身色力堅固無諸疾病壽命增長獲大吉祥

復次金剛手菩薩大執金剛者若有修習瑜伽行人於此一切秘密名義三摩地分大摩尼寶莊嚴日三時專法持誦記念勤修而復住心觀想本尊聖像從妙吉祥正智起變化身出現無邊種種色相如是觀已不久即現所觀色相又復即見諸佛菩薩於虛空中出現無數種種色身又復修習瑜伽行者以是最勝法功德故永不復墮一切惡趣於當來世不生卑賤種族不生邊地不處下劣根性不與諸根不具者同所受生又復不生諸邪見家非佛刹土而不受生佛不出世宣說正法亦不受生永永不生於長壽天中永永不生於五濁惡世不生飢饉刀兵劫中世世生中遠離惡對賊盜等怖凡所生處不受貧苦名譽稱讚所不能動世世所生常生善族人相具足端正圓滿於世間中人所受敬常受快樂離諸憂惱凡所

生趣人皆喜見出言誠諦人所信受
 世世生生得宿命智具大財富有大
 眷屬增長無盡一切衆生最上功德
 皆悉具足六波羅蜜自性功德亦復
 具足修四梵行圓滿具足正念正知
 方便願力皆得具足通達一切清淨
 教法語業自在得大無畏凡所對論
 詞辯無礙復能安慰一切衆生如阿
 闍梨師長無異昔所未聞一切法分
 乃至世間一切文典及外論等皆悉
 通達得大辯才戒足壽命清淨圓滿
 常樂出家具諸禁戒於一切智永不
 忘失大菩提心堅固不壞出過聲聞
 緣覺境界亦不樂於彼等法中金剛
 手諸修瑜伽行者獲如是無量功德
 皆悉具足速疾成就大菩提果此秘
 密名義復有無量無邊大功德分圓
 滿具足假使無量劫中稱揚讚歎不
 能窮盡

復次金剛手菩薩大執金剛者諸佛
 如來以大悲方便出現世間於此秘
 密名義已得圓滿福智所生成就阿
 耨多羅三藐三菩提普集一切佛功

德實無有少法而不圓滿廣爲一切
 衆生徧十方剎擊六法鼓普令安住
 無上正法諸佛所說諸法中三所謂
 如是大明日

唵引薩哩囉二達哩摩三合波引囉莎
 婆引嚩尾鉢提一有達哩摩二作句二
 阿阿引暗惡三

一切法自性清淨不生不滅一切如
 來智身妙吉祥清淨根本所生所謂
 阿引惡

一切如來根本心所謂
 訶囉訶囉唵引吽引統哩二合

一切如來智頂一切如來勝語自在
 廣大語業一切法無垢虛空清淨法
 界智藏所謂
 阿引

余時金剛手菩薩 問佛說是秘密法
 歡喜各掌從座起 頂禮釋迦牟尼尊
 及彼諸佛賢聖衆 最上金剛秘密主
 一切忿怒大明王 普伸敬已作是言
 最上歡喜自在尊 善哉善哉能善說
 慈悲利我及衆生 成就正等菩提果
 佛爲世間大導師 引示咸歸解脫門

宣說最勝清淨道 秘密瑜伽大教王
 最上方廣甚深義 普爲世間作利益
 此即諸佛聖境界 一切如來盡宣說

佛說最勝妙吉祥根本智最上秘密
 一切名義三摩地分卷下

甲辰歲喜慶國大藏都監奉

勅彫造